

Broj: 7494-14/17

Sarajevo, 15.11.2017. godine

Na osnovu člana 69. stav 2. tačka d., člana 70. st. 1, 4. i 6. Zakona o javnim nabavkama („Sl. glasnik BiH”, broj 39/14) i člana 27. Statuta Javne ustanove Opća bolnica „Prim. dr. Abdulah Nakaš”, na Preporuku Komisije za nabavku broj: 7494-11/17 od 14.11.2017. godine u postupku javne nabavke roba – Hemikalije – konkurentski zahtjev za dostavu ponuda broj 27/17, direktor Javne ustanove Opća bolnica „Prim. dr. Abdulah Nakaš” je donio

ODLUKU
o poništenju postupka javne nabavke

Član 1.

Poništava se postupak javne nabavke roba – Hemikalije - konkurentski zahtjev za dostavu ponuda broj 27/17 za sljedeće lotove:

1. LOT 1 – Hemikalije u čvrstom obliku - podloge **što nijedna od primljenih ponuda nije prihvatljiva**
2. LOT 16 - N-acetyl-L-cistein iz razloga **što nijedna od primljenih ponuda nije prihvatljiva**

Član 2.

Ova odluka objavit će se na web-stranici Javne ustanove Opća bolnica „Prim. dr. Abdulah Nakaš” (www.obs.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **7494-2/17 od 06.10.2017. godine.**

Javna nabavka je sprovedena **putem konkurentskog zahtjeva za dostavu ponuda.** Procijenjena vrijednost javne nabavke bez PDV-a je **30.000,00 KM.**

Obavještenje o nabavci broj: 1125-7-1-329-3-96/17, poslato je na objavljivanje dana **17.10.2017. godine**, a objavljeno je na Portalu javnih nabavki dana **17.10.2017. godine**, Obavještenje o nabavci objavljeno je u Sl. Glasniku BiH broj: **75/17 od 20.10.2017. godine.**

Komisija za nabavku, imenovana je Rješenjem broj: **7494-3/17 od 06.10.2017. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **7494-10/17 od 14.11.2017. godine**, Preporuku o poništenju postupka nabavke za LOT 1 i LOT 16 broj: **7494-11/17 od 14.11.2017. godine** i Izvještaj o radu broj: **7494-12/17 od 15.11.2017. godine**, u postupku javne nabavke roba – **Hemikalije**.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda,
- da je blagovremeno primljena 1 ponuda,
- da nije bilo neblagovremeno primljenih ponuda,

- da ponuda ponuđača: „Semikem“ d.o.o. Sarajevo, nije prihvatljiva za LOT 1 i LOT 16 iz sljedećih razloga:

Ponuđač **„Semikem“ d.o.o. Sarajevo** je na Zahtjev za pojašnjenje koji mu je uputila Komisija za predmetnu nabavku dana 06.11.2017. godine, dostavio dana 06.11.2017. godine pojašnjenje cijena za LOT 1 stavka 7, LOT 16 stavka 1 u kome navodi da je došlo do greške prilikom izrade tenderske dokumentacije, te da je upisana pogrešna jedinična cijena. U skladu sa tačkom 8.6 Provjera računске ispravnosti ponude i objašnjenje neprirodno niske cijene na strani 17. i 18. tenderske dokumentacije, u stavu 4. je navedeno da se jedinična cijena stavke ne smatra računskom greškom, odnosno ne može se ispravljati. S tim u vezi, ponude ponuđača „Semikem“ d.o.o. Sarajevo za LOT 1 i LOT 16 se odbacuju u skladu sa članom 68. stav (4) tačka j) Zakona.

Nadalje, u postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da za LOT 1 i LOT 16 **jedina primljena ponuda nije prihvatljiva**, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav 2. tačka d. Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: **Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.**

Žalba se podnosi u najmanje 3 (tri) primjerka.

PRIPREMILA:
Amira Petrović, BA općeg prava *AP*
Referent za pravne poslove

KONTROLISALA:
Sadeta Hrustemović, dipl. iur. *SH*
Koordinator za javne nabavke

M. P.



DIREKTOR

Prim. dr. Zlatko Kravić

Dostaviti:

- Ponuđaču: Semikem d.o.o. Sarajevo
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a